



INSURANCE AGENCY OF
BOSNIA AND HERZEGOVINA

Broj: 02-16-4-138-1/19
Sarajevo, 17-04-2019

Na osnovu člana 17. stav (1), člana 18., člana 87. stav (3), člana 90. Zakona o javnim nabavkama („Službeni glasnik BiH“, broj 39/14), člana 2. stav (3) Pravilnika o postupku direktnog sporazuma („Službeni glasnik BiH“, br. 90/14), člana 4. Pravilnika o postupku direktnog sporazuma Agencije za osiguranje u BiH br. 02.3-02-2-104-1/15 od 16.03.2015.godine, člana 26. Pravilnika o internim procedurama u postupcima javnih nabavki u Agenciji za osiguranje u BiH br. 02.3-02-2-62-1/17 od 23.03.2017. godine i člana 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06, od 12.10.2006. i br. 02.3-02-2-239-1/15 od 05.08.2015.godine godine, a u skladu sa Planom nabavki za 2019.godinu broj 02.3-16-3-13-1/19 od 29.01.2019.godine, direktorica Agencije za osiguranje u Bosni i Hercegovini donosi

ODLUKU
o pokretanju postupka javne nabavke
putem direktnog sporazum

1. Pokreće se postupak javne nabavke putem direktnog sporazuma.
2. Predmet postupka direktnog sporazuma je usluga izrade dizajna, pripreme za štampu i štampanje publikacije „Statistika tržišta osiguranja u BiH“ (Godišnji izvještaj 2018.) - šifra iz JRJN 22212000-9.
 - Tehničke specifikacije za izradu publikacije su:
 - Format: A4,
 - Štampa: 4/4,
 - Strana: max 160,
 - Četiri jezične varijante: bosanski jezik 30 komada, srpski jezik 30 komada, hrvatski jezik 30 komada i engleski jezik 20 komada - ukupno 110 komada,
 - Unutrašnji papir : kb Kunstdruck 135 gr. (gloss ili mat),
 - Papir korica: Kunstdruck 250 gr. (gloss ili mat),
 - Uvez: meki.
3. Procijenjena vrijednost predmeta direktnog sporazuma je 5.982,90 KM, bez PDV-a.
4. Za realizaciju nabavke iz ove odluke obezbijedena su finansijska sredstva u Budžetu Agencije za osiguranje u Bosni i Hercegovini za 2019.godinu u iznosu 5.982,90 KM, bez PDV-a.
5. Kriterij za dodjelu ugovora je „najniža cijena“.
6. Nakon provedene propisane procedure, sa odabranim ponuđačem zaključice se odgovarajući ugovor.
7. Odluka stupa na snagu danom donošenja.

Образложење

Agencija za osiguranje u Bosni i Hercegovini (u daljem tekstu: ugovorni organ) je Planom nabavki za 2019.godinu, u mjesecu aprilu 2019.godine, planirala pokretanje postupka javne nabavke za uslugu izrade dizajna, pripreme za štampu i štampanje publikacije „Statistika tržišta osiguranja u BiH“ (Godišnji izvještaj 2018.). U navedenom dokumentu,

AGENCIJA ZA
U BOSNI I HERCEGOVINI

kao izvor finansiranja za opisani predmet javne nabavke, utvrđen je Budžet Agencije za osiguranje u Bosni i Hercegovini za 2019.godinu.

Vijeće ministara Bosne i Hercegovine donijelo je Odluku o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2019.godine („Službeni glasnik BiH“, broj 25/19). S tim u vezi, potrošnja po svim ekonomskim kategorijama je ograničena, a što se odražava kako na dinamiku, tako i na procijenjenu vrijednost roba i usluga utvrđenih u Planu nabavki za 2019.godinu.

Finansijska sredstva za nabavku koja je predmet ove odluke, odnosno njena procijenjena vrijednost ostala je na nivou Zakona o budžetu institucija Bosne i Hercegovine za 2018.godinu – 5.982,90 KM. Naime, analizirajući postupke javne nabavke za ovaj predmet u 2018. i 2017. godini, konstatovano je da se plaćanje izvršene usluge vršilo u septembru, odnosno po isporuci tražene količine u sve četiri jezične varijante. Stoga, ugovorni organ je, kao izvor finansiranja predmetne nabavke, naveo Budžet za 2019.godinu obzirom da se privremeno finansiranje vrši do juna 2019. godine, tako da je osnovana pretpostavka, da će se po provedenoj proceduri za predmet javne nabavke iz ove odluke, zaključenju i realizaciji ugovora, donijeti Zakon o Budžetu institucija Bosne i Hercegovine za 2019.godinu. U suprotnom, odnosno ukoliko u vrijeme dospjeća plaćanja usluge iz ove odluke ne bude donesen Zakon o budžetu institucija i međunarodnih obaveza Bosne i Hercegovine za 2019.godine, ugovorni organ će donijeti operativni plan, s kojim će se i uskladiti tačka 4. ove odluke u smislu izvora finansiranja.

Uzimajući u obzir opisano odlučeno je kao u dispozitivu odluke.

Dostaviti:

1. Odjeljenja AZOBiH
2. a/a



DIREKTORICA

Emina Jahić
Emina Jahić